

Zeitschrift: L'ami du patois : trimestriel romand
Band: 14 (1986)
Heft: 53

Artikel: Patêjan de la Grevîre : athinbyâye di patêjan gruvèrin : le 2 dè mâ 1986
à Châlè (Gr.)
Autor: Chudan, R.
DOI: <https://doi.org/10.5169/seals-241557>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 16.05.2025

ETH-Bibliothek Zürich, E-Periodica, <https://www.e-periodica.ch>



**Athinbyâye di Patêjan gruvêrin
le 2 dè mâ 1986 a Châlè (Gr.)**

No cherè djora dèfindu dè fére de la rèklâme, lè châlè, (mimamin ha dè Châlè) chon tru pititè po no ti rèchuêdre. Vo le kridè pâ è, portan lyè dinche, kemin le vo dyo. No chin mé dè 350 po pâ dre a pou pri 400.

Lètyintè balè j'athinbyâyè, totè pye balè lè j'enè tyè lè j'ôtrè. E la dêrîre ché pâ ch'irè pâ onko la pye bala. Mè tyijo, l'é dzourâ ke faré djêmé dè rèklâme.

A 2 1/2 j'àrè, on-èchin dè chejin j'armayi grapiyè tot' amon d'oun' èchtrade, chuèvu dè to pri pè di grahyàjè damè à damejalè in dza-kiyon, ti di minbro de la "Concorde" dè chi galé velâdzo ke no rapèlè du tan pri nouthr'n'abbé Dzojè Bovet tan d'amâ è tan règrètâ. Vo dre chin ke no j'an oyu, na, cheré bin tru yin de la réalitâ in vo dejin k'irè fèrmo bi. Di j'ojalè ke chinton in pyin le furi è pu, vo garantecho ke lou ramâdzo vayê lou pyumâdzo.

Pu, André Brodâ, nouthron tan chejin prèjidan, apri lè j'avè rèmarhyâ è fèlichitâ kemin le mretâvan, no pârlè dè nouthron barde fri-bordzê, chi tsanta dè nouthron payi, dè nouthra Grevîre, in di têrmo bin chintu è èmouvin. No chin partikulyéremint totchi in moujin ke l'a vèku inke, din ha bala kotse.

Grâthe a nouthron prèjidan ke l'è jelâ konchultâ lè tsapouè, lè mènújé, chàron, l'achichtanthe l'a pu aprindre ou bin rèaprendre lè non dè mé dè 100 badyè ke l'an tré ou travô dou bou.

Norbert Brodâ no bayè kotyè j'èchplikachyon ou choudzè dou dikchyenéro patê-franchè ke no chin in trin dè konchtruire. Francis Brodâ, prèjidan de la Chochyétâ kantonale di j'êmi dou patê fribordzê è prèjidan reman po 4 an in yuva dè l'organijachyon de la fîtha dou patê ke chè farè din nouthron tyinton in 1989, rintserè in no dejin ke chi dikchyenéro di îthre oun'êmâdze dou mèyou patê in rèchpèktin chè diferinthè d'apri lè difèrintè Kotsè. Fô djêmé dre k'on no l'è fô vu k'ayeu chè di dinche è, chuto, dè no j'arandji, dè bin no j'intindre.

Pu, no j'an le pyéji d'oure Kolin Patchi a la vouè dè vèlu, Mma Maria Bach è Dèni Terreaux din lou bi tsan in patê.

L'è a pou pri 6 j'àrè kan no no chin tyithâ, a règrè apri avi pachâ d'ache bi momin inthinbyo din le dzouyo è le chovinyi dè nouthrè j'anhyen ke l'an chènâ chi tan bi lingâdzo din na têra ache provinda.

R. Chudan